

KERATAN AKHBAR-AKHBAR TEMPATAN
TARIKH: 12 JULAI 2017 (RABU)

Bil	Tajuk	Akhbar
1.	Penduduk rasa gegaran kecil	Sinar Harian
2.	Gempa bumi kuat landa Kepulauan Auckland	BERNAMA

Penduduk rasa *gegaran kecil*

Kawasan Sabak Bernam turut terkena tempias susulan gempa bumi sederhana di Sumatera Utara

MOHD IZZATUL IZUAN TAHIR

SABAK BERNAM - Beberapa penduduk di sini mengakui merasai gegaran kecil pagi semalam.

Gegaran kecil yang dialami itu dipercayai susulan kejadian gempa bumi sederhana berukuran 5.9 skala Richter yang dilaporkan berlaku di Sumatera Utara jam 9.24 pagi semalam.

Penduduk, Hakimah Sawal, 53, berkata, ketika kejadian, dia sedang bersarapan sebelum secara tiba-tiba pening dan merasai

gegaran kecil.

"Saya yakin berlaku gempa bumi di negara jiran sebab saya pernah alami kejadian seperti ini beberapa kali," katanya.

Menurut Hakimah, kejadian gempa yang berlaku pagi semalam tidak sekuat yang dialaminya sekitar 2010 dahulu.

"Masa itu, saya tengah buat kuih. Tidak semena-mena rasa rumah bergegar dan kepala saya rasa pening.

"Bayangkan, waktu kejadian tujuh tahun dulu, saya nampak air di dalam



ROZIANA

parit di hadapan rumah berkocak dan langsir rumah pula bergoyang," katanya.



HAKIMAH

Seorang penduduk di Parit 1 Timur Sungai Besar, Roziana Arbain, 29, pula

terpaksa berhenti seketika daripada melakukan tugasannya apabila dia berasa pening berikutan kejadian gempa bumi itu.

"Saya memang tak terfikir berlaku gempa sebab tak perasan pula kalau ada air berkocak atau rasa gegaran yang kuat.

"Saya ingatkan rasa pening sebab semalam memang saya tak sihat.

"Jadi, bila rasa pening masa basuh pinggan, saya berhenti dan duduk rehat sekejap. Dah lega, baru saya sambung semula kerja basuh

pinggan," katanya.

Roziana memberitahu, dia hanya mengetahui kejadian gempa tersebut melalui kumpulan aplikasi WhatsApp keluarganya.

Gempa bumi sederhana, berukuran 5.9 pada skala Richter melanda Sumatera Utara semalam, terletak 248 kilometer di barat daya Sabak Bernam.

Menurut Jabatan Meteorologi Malaysia, gegaran dirasai di beberapa kawasan di Selangor, namun tidak membawa ancaman tsunami.



Gempa Bumi Kuat Landa Kepulauan Auckland

Tarikh kemaskini: 11/07/2017

KUALA LUMPUR, 11 Julai (Bernama) -- Gempa bumi kuat berukuran 6.6 pada skala Richter melanda Kepulauan Auckland di New Zealand hari ini, 7326 kilometer dari tenggara Sarikei di Sarawak, menurut Jabatan Meteorologi Malaysia.

Gempa tersebut berlaku pada 3 petang ini.

Jabatan itu berkata, gempa bumi itu bagaimanapun tidak membawa ancaman tsunami.

-- BERNAMA